

Tum Agar Dwar Bhole Ke | By Ashish Chandra Shastri

Tum Agar Dwar Bhole Ke Aate Raho Karo
Kaam Jo Bhi Hain Bigde Sudhar Jayenge
Baba Shiv Ko Pukara Jo Man Se Kabhi
Jo Khazane Hain Khaali Wo Bhar Jayenge

Baba Bhole Ki Bhakti Hai Sabse Saral
Jo Kisi Dev Devi Mein Paayi Nahi
Kaun Aisa Abhaga Hai Sansar Mein
Jisne Shiv Ji Ki Mahima Ko Gaayi Nahi
Sochne Mein Samaya Tera Jata Raha
To Suhane Ye Pal Bhi Guzar Jayenge

Sona Chandi To Baba Nahi Maangte
Bhaav Se Ganga Jal Hi Chadha Deejiye
Phool Phal Bhi Chadhane Se Majboor Ho
Haath Chano Ke Aage Badha Deejiye
Baba Aise Dayalu Hain Bhakto Suno
Jo Bhi Sankat Tumhare Hain Tal Jayenge

Jiske Honthon Pe Shiv Shiv Ka Uchhar Hai
Unke Jeevan Mein Dekha Chamatkaar Hai
Unke Charno Mien Ja Ab Tu Deri Na Kar
Wo Hi Daatar Sachcha Madadgaar Hai
Sabki Bigdi Banate Hain Bhole Sada
Teri Bigdi Ko Kya Wo Mukar Jayenge

Tune Shastr Padhe Tune Ved Padhe
Shastr Padh Kar Bhi Tune Ye Sochan Nahi
Tune Ved Padhe Tune Shastr Padhe
Shastr Padh Kar Bhi Tune Ye Sochan Nahi
Bhole Baba Ke Dar Pe Tu Aake To Dekh
Tere Sare Hi Sankat To Mit Jayenge

Bholenath Ke Charno Mein Chaaro Dham Hain
Aaja Aaja Yahi Bhakti Ka Dham Hai
Damru Wale Ki Puja To Ki Hi Nahi
Phir Tirtho Pe Kyun Kar Hum Jayenge

Tu Bhatakta Hai Dar Dar Pareshan Kyun
Teri Mushkil Ka Baba Ko Ehsaas Hai
Mujhko Kashi Niwasi Pe Vishwas Hai
Wo To Rehta Sada Bhakt Ke Paas Hai
Shiv Ka Sumiran Jo Bhakt Jan Karte Sada
Bhakt Bhole Ke Bhav Se Bhi Tar Jayenge

[%e0%a4%ad%e0%a5%8b%e0%a4%b2%e0%a5%87-%e0%a4%95%e0%a5%87-by-ashish-chandra-shastri/](#)